

○以璠瑞為承政院同副承旨○平安道寧邊等官白霧昏翳日光長赤似有旱徵

壬午日暈右珥白雲一道如一匹布貫暈

癸未夜西方坤方南方巽方東方如火氣

四月甲申朔禮曹啓目對馬州太守書契云云不許開薺浦舊路不許待特送船大船九隻中小船各八隻米豆只給一百石凡此三事約條甚明固不可撓改乙卯獻馘微勞可錄是遣船曾減二十五隻內五隻還給已有成命今當復書曰足下為國屏蔽自擬藩臣而乙卯賊來未聞遮截海路挫抑逆鋒只送不多首級苟免罪責我殿下不以為足下職分而忽之別施恩典足下宜感戴之不暇而自以為功言之不置所謂勞而不伐非所望於足下我殿下恆不較之量數字小之仁復加給大船二隻中船二隻小船一隻以慰足下意望之厚足下其何以報稱儻或怠於防備海路有警則不但五船之還減將并與前所遣者而不得遣如欲保而有之盡盡捍禦之忠足下所送將